

NIA VOĈO
Madrida Esperanto-Liceo
San Alejandro 6 -4ºB-EXT. 28005 Madrid
(Nur poŝta adreso)

Redaktas kaj eraras: Lupe Sanz

JANUARO 2003

EN APARTA FOLIO NI INKLUDAS KONTOJN 2002, BUĜETON KAJ PROGRAMON 2003

ĜENERALA KUNVENO DE MEL

La Prezidantino de Madrida Esperanto Liceo kunvokas vin ĉeesti tiun kunvenon, kiu okazos lastan lundon de januaro (27an) je la 18.30 en unua kunvoko kaj je la 19.00 en dua, en Rodríguez San Pedro 13-3º-7, sub la sekva tagordo:

- 1.- Informo pri membraro
- 2.- Legado kaj eventuala aprobo de la antaŭa protokolo (Vidu "Nia Voĉo" 2002-02)
- 3.- Detala raporto pri MEL-agado dum la jaro 2002 ("Nia Voĉo" 2002-12)
- 4.- Prezento de programo realigebla por la jaro 2003 ("Nia Voĉo" 2003-01)
- 5.- Aktuala konto-stato de MEL ("Nia Voĉo" 2003-01)
- 6.- Buĝeto por 2003 ("Nia Voĉo" 2003-01)
- 7.- Sugestoj kaj demandoj kun iliaj konkludoj.

Cele al bonorda kaj pozitiva funkciado de nia organizo, la Estraro restos danka, se ĉiuj gemembroj akurate ĉeestos tiun Ĝeneralan Asembleon.

Laŭ statutoj la Estraro elektita en 2001 funkcios dum 4 jaroj, gxis la 2004

Prezidantino: Carmen Suárez Fernández-Cid
Sekretariino: Lupe Sanz Bueno
Kasisto: José Francisco Platas
Voĉdonanto 1: Angelita Sanz Mayor
Voĉdonanto 2: Juan del Castillo Martínez

FONDITA LA ASOCIO MALDEKSTRO KAJ ESPERANTO

La 14an Decembro 2002 estis fondita en Madrido la nova asocio Maldekstro kaj Esperanto SATEH (SAT-en-Hispanio). La ĉefaj celoj de tiu ĉi asocio estas efektiviĝi la principojn kaj celojn de Sennacieca Asocio Tutmonda (SAT) en la Hispana Regno; utiligi praktike la internacian lingvon Esperanto por la klasaj celoj de la Laboristaro tutmonda kaj disvastigi kaj instrui la universalan lingvon Esperanton en ĉiuj laboristaj kaj progresemaj medioj, sen atenti pri iliaj partipolitikaj tendencoj kaj nur konsiderante ilian nepran inklinon al demokrataj kaj progresemaj ideoj. La provizora estraro konsistas el Manuel Parra, kiel prezidanto, Toño del Barrio kiel sekretario kaj Pedro Hernández kiel kasisto.

GRANDA VORTARO

Finfine eblas jam ANTAŬMENDI la "Gran Diccionario Español-Esperanto" de Fernando de Diego. La hispana vortaro tre similas al la "Nova PIV" laŭ nombro da paĝoj kaj formato. Tamen ĝia fina prezo estos nur 45 eŭroj. Sed ekzistas rabato por antaŭmendo: 30 eŭroj plus 3 por sendokosto. ATENTU: la vortaro aperos en JULIO nur se oni atingas minimuman nombron da antaŭmendoj.

Madrida Esperanto Liceo faros komunan mendon (sed ĝi ne sendos ekzemplerojn ekster Madrido). Antaŭpago de 33 eŭrojn necese (lunde en nia konversacia rondo aŭ en la bankkonto de Esperanto Liceo de Madrid. Banco Atlántico: 0008 0110 97 1120 404200
LIMDATO POR PAGI AL MEL: 20-an de februaro

ARĜENTA JUBILEO DE RADIO VATIKANA

La blanka grupo en la Civita Senato ĝojas gratuli la redakcion de Radio Vatikana, kiu ekde 1977 elsendas en esperanto per mezaj, kurtaj kaj ultrakurtaj ondoj. La voĉo de la Sankta Seĝo en nia lingvo estas audebla tri fojojn semajne, lastatempe ankaŭ per interreto.

VENONTAJ PROGRAMOJ EN MADRIDO

Ekde la 13-a de januaro denove okazos niaj konversacia-rondoj ĉiulunde, ekde la 18.30 h, en RODRÍGUEZ SAN PEDRO 13-3^o-7 Tel. 91 446 80 79.

13-a kaj 20-a de januaro oni diskutos diversajn punktojn de la asemblea tagordo.

25-a je la 14,00 Zamenhofa bankedo en Hotel Puerta Toledo.

27-a je la 19,00 ĜENERALA ASEMBLEO DE MEL

LA BANKEDO (tagmanĝo) por celebri nian komunan lingvon okazos la sabaton 25-an de januaro en Hotel Puerta de Toledo (Glorieta Puerta de Toledo, 4) je la 14,00 horo. Vi jam povas rezervi lokon kaj elekti menuon (fiŝo aŭ viando) al 91 446 80 79 (aŭtomata respondilo). Prezo: 25 EUR (antaŭpago necesa)

KOTIZO POR 2003

La MEL-kotizo por la jaro 2003 estas sama ol la lastaj naŭ jaroj (12 EUROJ). BV. pagi ĝin per ĉeko po 12,90 euroj (inkludas bankkoston), je la nomo de Esperanto-Liceo de Madrid per banko: Banco Atlántico: 0008/0110/97/1120/404200, (sama nomo)

rekte al la kasisto lunde vespere en Rodriguez San Pedro 13-3^o-7

Antaŭ-dankon pro via kontribuo al daŭrigado de MEL

MEL donacos KVIN (5) Grandaj Vortaroj Hispana-Esperanto (F. de Diego) al membroj kiuj pagis la kotizon de la jaroj 2001, 2002 kaj 2003 antaŭ la 28-a de februaro.

ESPERANTO EN INTERRETO

Jen interesaj retadresoj:

<http://purl.org/NET/voko/revo/> Temas pri esperanta vortaro plurlingva, kies enhavo riĉiĝas tagon post tago dank'al la kunlaboro de volontuloj.

<http://www.bertilow.com/pmeg/> Temas pri grava esperanta gramatiko kreita fare de Bertilo Wennergren. Tie vi povas solvi ĉiujn viajn dubojn pri gramatikaj problemoj de nia lingvo.

<http://eo.wikipedia.org/> Temas pri esperanta enciklopedio, malferma al la kunlaboro de iu ajn redaktoro, kompetenta pri konkreta temo. Ĝi ekzistas ankaŭ en aliaj lingvoj, sed la esperanta versio, kun pli ol 4.000 artikoloj, estas la kvara post la angla, germana kaj pola versioj.

Plurnaciaj kristnaskaj kantoj en Esperanto

<http://www.geocities.com/cigneto/thcind/kristnasko.html>

III FELIĈAN 2003 III

.....

ESPERANTO LICEO DE MADRID

San Alejandro 6-4^oB. Ext

28005 Madrid

Asociación de Utilidad Pública Municipal